

Službene novine Federacije BiH, broj 92/14

Na osnovu člana 24. stav 5. i člana 29. stav 8. Zakona o agencijama i unutrašnjim službama za zaštitu ljudi i imovine ("Službene novine Federacije BiH", br. 78/08 i 67/13), federalni ministar unutrašnjih poslova donosi

PRAVILNIK

O VATRENOM ORUŽJU ZA OBAVLJANJE POSLOVA FIZIČKE ZAŠTITE LJUDI I IMOVINE

POGLAVLJE I. OSNOVNE ODREDBE

Član 1. (Predmet Pravilnika)

Ovim pravilnikom uređuje se pojam vatrene oružja kratke i vatrene oružja dugačke cijevi i kalibar oružja koje se koristi za obavljanje poslova fizičke zaštite ljudi i imovine, izdavanje saglasnosti za nabavku oružja za obavljanje poslova zaštite ljudi i imovine te osiguranje odgovarajućih spremnika za čuvanje vatrene oružja u objektu koji se čuva poslije radnog vremena, kao i druga pitanja koja se odnose na vatreno oružje kratke i dugačke cijevi, koja mogu imati i koristiti agencije za zaštitu ljudi i imovine (u dalnjem tekstu: agencija) i zaštitarske službe organizirane u pravnim licima za obavljanje poslova fizičke zaštite (u dalnjem tekstu: zaštitarska služba).

Član 2. (Nabavljanje i korištenje vatrene oružja)

(1) Agencije, odnosno zaštitarske službe mogu nabaviti oružje kratke i dugačke cijevi prema uvjetima utvrđenim u članu 24. Zakona o agencijama i unutrašnjim službama za zaštitu ljudi i imovine ("Službene novine Federacije BiH", br. 78/08 i 67/13 - u dalnjem tekstu: Zakon) i uvjetima utvrđenim ovim pravilnikom.(2) Vatreno oružje kratke i vatreno oružje dugačke cijevi, utvrđeni ovim pravilnikom, mogu se nabaviti i koristiti samo na način propisan Zakonom, ovim pravilnikom i propisima kantona i Federacije kojima su uređena pitanja nabavke, držanja i nošenja oružja na teritoriji Federacije Bosne i Hercegovine (u dalnjem tekstu: Federacija).

Član 3. (Primjena Zakona o upravnom postupku)

Postupak izdavanja saglasnosti i odobrenja za nabavku vatrene oružja za obavljanje poslova fizičke zaštite ljudi i imovine utvrđen u članu 24. Zakona vodi se u skladu s odredbama Zakona o

upravnom postupku ("Službene novine Federacije BiH", br. 2/98 i 48/99) i odredbama ovog pravilnika.

POGLAVLJE II. POJAM VATRENOG ORUŽJA I KALIBRA

Član 4.

(Pojam vatrene oružje kratke i dugačke cijevi i kalibra)

Pod pojmom vatrene oružje, u smislu ovog pravilnika, smatra se sljedeće:a) vatreno oružje kratke cijevi - vatreno oružje s olučenom cijevi koja nije duža od 20 cm i kalibra do 9 mm,b) vatreno oružje dugačke cijevi - vatreno oružje sa jednom neolučenom cijevi koja nije kraća od 46 cm kalibra sačme do 16 mm (pumparica, sačmarica i sl.).

Član 5.

(Zabrana korištenja prigušivača, snajpera ili drugog uređaja koji pomaže kod oznake mete)

Agencije, odnosno zaštitarske službe ne smiju u toku obavljanja poslova fizičke zaštite (zaštita ljudi i imovine) ili osiguranja prijevoza i prijenosa gotovog novca, vrijednosnih papira i dragocjenosti koristiti vatreno oružje sa prigušivačem, snajperom ili drugim uređajem koji pomaže kod oznake mete.

POGLAVLJE III. NABAVLJANJE VATRENOG ORUŽJA ZA OBAVLJANJE POSLOVA FIZIČKE ZAŠTITE

Član 6.

(Uvjeti za nabavljanje vatrene oružje kratke cijevi)

(1) Agencija, odnosno zaštitarska služba, u skladu sa članom 24. stav 1. Zakona, za obavljanje poslova fizičke zaštite može posjedovati vatreno oružje kratke cijevi najviše do ukupno jedne polovine lica koja su u radnom odnosu u agenciji, odnosno u zaštitarskoj službi na poslovima fizičke zaštite i poslovima odgovornog lica.(2) Lica iz stava (1) ovog člana moraju imati certifikat za fizičku zaštitu, odnosno certifikat za odgovorno lice, s tim da se za odgovorno lice uzima u obzir i potvrda o položenom ispitu za odgovorno lice izdata od Federalnog ministarstva unutrašnjih poslova (Policijska akademija), koja je služila kao dokaz da je lice ospozobljeno za obavljanje poslova odgovornog lica u agenciji, odnosno zaštitarskoj službi.

Član 7.

(Agencije i zaštitarske službe koje mogu nabavljati vatreno oružje dugačke cijevi i uvjeti za nabavku tog oružja)

(1) U skladu sa članom 24. st. 2. i 3. Zakona, vatreno oružje dugačke cijevi mogu nabaviti i to:a) agencije i zaštitarske službe koje obavljaju poslove prijevoza novca, vrijednosnih papira i dragocjenosti, što se obavlja putem blindiranog/oklopog vozila;b) vlastita unutrašnja zaštitarska služba aerodroma;c) druga pravna lica koja prema propisima o nabavljanju, držanju i nošenju

oružja na teritoriji Federacije mogu imati oružje dugačke cijevi u toku obavljanja poslova zaštite ljudi i imovine, što se utvrđuje putem procjene ugroženosti i elaborata zaštite iz člana 26.c Zakona.(2) Agencija, odnosno zaštitarska služba iz stava (1) ovog člana može na svako blindirano/oklopno vozilo nabaviti jedno oružje dugačke cijevi, a za vlastitu unutrašnju zaštitarsku službu aerodoma i pravna lica iz stava (1) tačke c) ovog člana ukupan broj vatreng oružja dugačke cijevi koje mogu posjedovati za obavljanje poslova zaštite ljudi i imovine utvrđuje se na osnovu procjene ugroženosti i elaborata zaštite u skladu sa propisom koji se donosi na osnovu člana 26.c stav 3. Zakona.(3) U skladu sa članom 24. stav 2. Zakona, blindirano vozilo iz stava (2) ovog člana mora posjedovati odobrenje iz člana 26.b stav 4. Zakona koje izdaje Federalno ministarstvo unutrašnjih poslova - Federalno ministarstvo unutarnjih poslova (u dalnjem tekstu: Federalno ministarstvo) u skladu sa propisom koji se donosi na osnovu člana 26b. stav 5. Zakona.

Član 8. (Saglasnost za nabavku oružja)

(1) U skladu sa članom 24. stav 4. Zakona, agencija odnosno zaštitarska služba vatreno oružje kratke cijevi i vatreno oružje dugačke cijevi za obavljanje poslova fizičke zaštite može nabaviti samo ukoliko ima odobrenje za nabavku vatreng oružja, koje izdaje kantonalno ministarstvo unutrašnjih poslova (u dalnjem tekstu: kantonalno ministarstvo) prema propisu kojim su uređena pitanja nabavke, držanja i nošenja oružja na teritoriji kantona i za koje postoji prethodna saglasnost Federalnog ministarstva iz člana 24. stav 4. Zakona.(2) Odobrenje iz stava (1) ovog člana za podružnice agencije odnosno zaštitarske službe izdaje kantonalno ministarstvo prema sjedištu agencije odnosno zaštitarske službe, a za podružnice agencija i pravnih lica koja nemaju sjedište na teritoriji Federacije odobrenja iz stava (1) ovog člana izdaje kantonalno ministarstvo prema mjestu sjedišta podružnice.(3) Saglasnost iz stava (1) ovog člana izdaje se u okviru postupka rješavanja zahtjeva agencije, odnosno zaštitarske službe za izdavanje odobrenja za nabavku vatreng oružja, a pribavlja je kantonalno ministarstvo po službenoj dužnosti.(4) Saglasnost iz stava (1) ovog člana se izdaje na osnovu dokumentacije utvrđene u članu 9. (za vatreno oružje kratke cijevi), odnosno člana 10. (za vatreno oružje dugačke cijevi) ovog pravilnika.

Član 9. (Akti za izdavanje saglasnosti za vatreno oružje kratke cijevi)

Za izdavanje saglasnosti za nabavku vatreng oružja kratke cijevi iz člana 6. ovog pravilnika, agencija, odnosno zaštitarska služba iz člana 24. stav 1. Zakona dužna je uz zahtjev za dobijanje odobrenja za nabavku oružja, koji podnosi kantonalnom ministarstvu, dostaviti sljedeće akte i to:a) rješenje o odobrenju za rad agencije, a zaštitarska služba rješenje o davanju saglasnosti na akt o osnivanju vlastite unutrašnje zaštitarske službe pravnog lica ili rješenje o odobrenju za rad vlastite zaštitarske službe izdata od nadležnog kantonalnog ministarstva;b) rješenje o upisu agencije, odnosno zaštitarske službe u sudske registre;c) ovjerenu kopiju liste osiguranih lica za obveznika, koju izdaje Federalno ministarstvo finansija - Porezna uprava, ne stariju od mjesec dana;d) potvrda podnosioca zahtjeva o ukupnom broju certificiranih lica (za fizičku zaštitu i odgovorno lice) i ukupnom broj nabavljenog vatreng oružja na dan podnošenja zahtjeva.(2) Akti iz stava (1) ovog člana mogu biti u originalu ili ovjerenoj kopiji.(3) U odnosu na podatke o ukupnom broju certificiranih lica i oružja iz stava (1) tačke d) ovog člana federalni inspektor daje

mišljenje o tačnosti tih podataka na osnovu službene evidencije koju inspekcija vodi, a prema potrebi i neposrednim uvidom u službenu evidenciju agencije, odnosno zaštitarske službe, što federalni inspektor utvrđuje neposredno ili putem inspektora iz kantonalnog ministarstva.

Član 10. (Akti za izdavanje saglasnosti za vatreno oružje dugačke cijevi)

(1) Za dobijanje saglasnosti za nabavku vatrenog oružja dugačke cijevi iz člana 7. ovog pravilnika za agencije, odnosno zaštitarske službe iz člana 24. st. 2. i 3. Zakona, agencija, odnosno zaštitarska služba dužna je uz zahtjev za dobijanje odobrenja za nabavku oružja koji podnosi kantonalnom ministarstvu dostaviti sljedeće akte i to:a) rješenje o odobrenju za rad agencije, odnosno rješenje o davanju saglasnosti na akt o osnivanju vlastite unutrašnje zaštitarske službe ili rješenje o odobrenju za rad vlastite unutrašnje zaštitarske službe pravnog lica izdata od nadležnog kantonalnog ministarstva;b) rješenje o upisu agencije, odnosno zaštitarske službe u sudski registar;c) certifikat za lica koja obavljaju poslove fizičke zaštite i za odgovorno lice;d) rješenje o odobrenju prijevoza gotovog novca, dragocjenosti i vrijednosnih papira blindiranim vozilom, koje izdaje Federalno ministarstvo na osnovu člana 26.b stav 4. Zakona.(2) Akti iz stava (1) ovog člana mogu biti u originalu ili ovjerenoj kopiji.(3) Pravna lica iz člana 7. stav (1) tač. b) i c) ovog pravilnika, pored dokaza iz stava (1) ovog člana, dužna su dostaviti i procjenu ugroženosti i elaborat zaštite koji se izdaje u skladu sa propisom koji se donosi na osnovu člana 26. c stav 3. Zakona.

Član 11. (Rješavanje zahtjeva za izdavanje saglasnosti)

(1) Kantonalno ministarstvo je dužno prije donošenja rješenja o davanju odobrenja za nabavku vatrenog oružja iz člana 8. ovog pravilnika, uz zahtjev za dobijanje saglasnosti, Federalnom ministarstvu dostaviti dokumentaciju iz člana 9. stav (2) - za vatreno oružje kratke cijevi, odnosno iz člana 10. stav (2) ovog pravilnika - za vatreno oružje dugačke cijevi).(2) Federalno ministarstvo izdaje saglasnost kada utvrdi da su ispunjeni uvjeti iz člana 9., odnosno člana 10. ovog pravilnika, a ako se utvrdi da uvjeti nisu ispunjeni, zahtjev se odbija rješenjem.(3) Ako je Federalno ministarstvo odbilo zahtjev za izdavanje saglasnosti, u tom slučaju kantonalno ministarstvo je dužno odbiti zahtjev agencije, odnosno zaštitarske službe za izdavanje odobrenja za nabavku oružja.

Član 12. (Obavještavanje Federalnog ministarstva o nabavljenom oružju)

(1) Kantonalno ministarstvo je dužno Federalnom ministarstvu dostaviti obavještenje koje sadrži podatke o vatrenom oružju koje je nabavljeno na osnovu odobrenja za nabavku oružja za koje je izdata saglasnost Federalnog ministarstva iz člana 8. ovog pravilnika, kao i podatke o tome da li je agencija, odnosno zaštitarska služba izvršila nabavku oružja u količini za koju je data saglasnost za odobrenje o nabavljanju oružja. Uz obavijest se dostavlja i primjerak rješenja o nabavljanju oružja i primjerak rješenja o držanju oružja.(2) Obavještenje iz stava (1) ovog člana dostavlja se u roku od 30 dana od dana nabavke oružja.(3) O svim promjenama koje se odnose na vatreno oružje (gubitak, prodaja i dr.) koje je nabavljeno na osnovu odobrenja o nabavljanju

oružja za koje je izdata saglasnost iz člana 8. ovog pravilnika, kantonalno ministarstvo je dužno pismeno obavijestiti Federalno ministarstvo u roku od pet dana od dana nastanka promjene.

Član 13.

(Rješavanje zahtjeva za smanjenje ili povećanje vatrene oružja kratke cijevi)

(1) Ako agencija, odnosno zaštitarska služba zbog smanjenja obima poslova ili iz drugih razloga u toku obavljanja poslova zaštite ljudi i imovine posjeduje vatrene oružje kratke cijevi u broju većem od jedne polovine od ukupnog broja svojih certificiranih lica za obavljanje poslova fizičke zaštite, uključujući i odgovorno lice, dužna je podnijeti zahtjev kantonalnom ministarstvu za smanjenje broja oružja kratke cijevi koje je nabavila na osnovu rješenja kojim je odobrena nabavka i držanje vatrene oružja kratke cijevi. U zahtjevu se navode razlozi za smanjenje ukupnog broja odobrenog oružja, ukupan broj certificiranih lica iz člana 6. stav (2) ovog pravilnika, koja se nalaze u radnom odnosu i ukupan broj oružja koje je potrebno za obavljanje poslova fizičke zaštite ljudi i imovine. Uz zahtjev se prilaže rješenje kojim je odobrena nabavka i držanje vatrene oružja kratke cijevi, koje može biti u originalu ili ovjerenoj kopiji.(2) Rješavanje podnesenog zahtjeva kantonalno ministarstvo vrši tako što donosi rješenje o izmjeni rješenja kojim je odobrena nabavka i držanje oružja kratke cijevi. Rješenje se donosi na osnovu podataka navedenih u zahtjevu, a prema potrebi mogu se zatražiti i dokazi iz člana 9. stav (1) tačka 4) ovog pravilnika.(3) Prije donošenja rješenja iz stava (2) ovog člana kantonalno ministarstvo je dužno pribaviti saglasnost Federalnog ministarstva. Saglasnost se daje na osnovu podataka sadržanih u zahtjevu za davanje saglasnosti.(4) Primjerak donesenog rješenja iz stava (2) ovog člana kantonalno ministarstvo je dužno dostaviti Federalnom ministarstvu radi kontrole zakonitosti i vođenja evidencije.(5) Kada agencija, odnosno zaštitarska služba podnosi zahtjev za dobijanje odobrenja za povećanje broja vatrene oružja kratke cijevi u odnosu na ranije izdato odobrenje, taj zahtjev se rješava u skladu s odredbama čl.: 6., 8. i 11. ovog pravilnika.

POGLAVLJE IV. SPREMNIK ZA ČUVANJE ORUŽJA I MUNICIJE, VOĐENJE EVIDENCIJA I UPRAVNI NADZOR NAD PRIMJENOM PRAVILNIKA

Član 14.

(Uvjeti za spremnik za čuvanje vatrene oružja i municije)

(1) Agencija, odnosno zaštitarska služba u objektima u kojima obavlja poslove fizičke zaštite mora osigurati spremnik za čuvanje vatrene oružja i municije.(2) Spremnik mora biti konstruiran tako da omogućuje odlaganje svog oružja koje posjeduje agencija, odnosno zaštitarska služba tog objekta.(3) Spremnik treba da bude zaštićen od neovlaštenog pristupa trećih lica i konstruiran od materijala koji je otporan na vatru.(4) Spremnik treba biti zaštićen odgovarajućom bravom i smješten u posebnu prostoriju koja mora biti osigurana protuprovalnim alarmnim sistemom kao posebnim sistemom ili kao posebna particija (cjelina) alarmnog sistema objekta.(5) Vatrene oružje koje se ne koristi u toku obavljanja poslova fizičke zaštite mora biti odloženo u spremnik.(6) Uz spremnik se vodi evidencija o oružju i municiji koje se odlaže u spremnik.

Član 15.

(Vođenje evidencije)

Za vatreno oružje iz člana 4. ovog pravilnika agencija, odnosno zaštitarska služba dužna je voditi evidenciju na način kako je utvrđeno propisom koji se donosi na osnovu člana 49. Zakona.

Član 16.
(Organ koji je nadležan za provođenje ovog pravilnika)

Upravni nadzor nad provođenjem ovog pravilnika vrši Federalno ministarstvo putem davanja stručnih mišljenja, traženja izvještaja, informacija i dr.

POGLAVLJE V. PRIJELAZNE I ZAVRŠNE ODREDBE

Član 17.
(Rješavanje zahtjeva koji su podneseni do donošenja ovog pravilnika)

Zahtjevi koji su podneseni za izdavanje saglasnosti za vatreno oružje do dana stupanja na snagu ovog pravilnika, a nisu riješeni, okončat će se prema odredbama ovog pravilnika.

Član 18.
(Stupanje na snagu Pravilnika)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-03-02-2-192/14 21. oktobra 2014. godine Sarajevo

Ministar **Predrag Kurteš**, s. r.